

Paul e Clau

La secunda fatga

Plaunsiu ell'anfla bein confiart,
mo ei resta igl entiert.
Dunna Mengia ha sinquei
En cuschina pei a pei
Ils pluschechels bardigliau,
Silla platta quels tschentau.
Ils utschals ch'ein stagn ventschi,
Far reviver sa ca pli.
Sche vul ella bein barsar,
Preparar in dètg gentar.
Mo vesend leu sura fiug
Las splimadas tut a liug,
Crodan lu puspei larmadas
Dallas gaultas smagregiadas!



E schizun siu bien tgaunun
ha cun ella cumpassiun.



Strusch lugai en la cazzetta
Ch'ìls mattatschs han en la detta.
Ils pulets han ei ferdau,
Ed ina stucca spert anflau.

Spiuneschan tral tgamin,
Ils lumpuns cun lur nas fin.
Co quei leugiu barsava
E tgei odor sederasava.
Tgei odor, ti sapperlot,
Dil barsau fagessen er magari not.




Ste! Denton ha la bun'onda
Priu la scadiala gronda.



Giun tschaler less ir la Mengia
Pil crut asch dalla dumengia.

Lez vev'ella narr bugen,
El gustava schi stupent;
Meglier aunc empau scaldaus,
Che pèschs e rustgs, ed er barsaus.



Cheu han ils furbazs sil fletg
Schau sfundrar il crutsch anetg.
E senza il minim battacor
Lain svanir il pulet da tgamin siador.

Quei va gie en in dus
E senza nuot vegnir confus.
E sil filuc er numera dus
Vegn tral tgamin tut tut discus.
Il tierz e quart ins ha tscharniu,
Targend ensiviars sco unschiu!



Il cagniel ha ferm urlau
Sminond zatgei digl engulau.

Mo ils dus ein sc'in cametg,
Spert neuagiu dil tetg.
Dattan combas, giavetschen,
Culs pulets, ti ridischen!

Da tschaler la vieua vegn
Cul crut asch e seretegn -
La cazzetta vit'ha viu,
Cul lien il grass rischliu -



Sc'in pamfili ella stat,
E lai dar tut ademplat.

Sinquei tut alla grada,
Fa cul tgaun ina sbarrada!



La palutta ella tschaffa
Dat al tgaun giu per la gnaffa.



„Spetga ti“, dat ell'in ratg,
“jeu a ti vi schar giu latg!”
Gl'innocent sco in parlar,
Bergla, fui tras il zuler.



Suenter han ils giuvenots
Stuiu pussar da lur barlots.
Els han venters sco balluns,
Aunc en bucca dus caluns.
Quels han els ca tuchegiau,
Ui ! Tgei fatga quei ei stau !

Il secund stuc, vus veseis,
Ed il tierz suonda – in, dus, treis.